

Na osnovu člana 56. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05) i na osnovu člana 7. Zakona o igrama na sreću («Službene novine Federacije BiH», br. 48/15 i 60/15), a u vezi sa Uredbom o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću („Službene novine Federacije BiH“, broj 89/15), federalna ministrica kulture i sporta d o n o s i

## **JAVNI KONKURS**

### **ZA RASPODJELU DIJELA PRIHODA OSTVARENIH PO OSNOVU NAKNADA ZA PRIREĐIVANJE IGARA NA SREĆU**

Dio sredstava ostvarenog prihoda po osnovu naknada za priređivanje igara na sreću odnosi se na sufinansiranje projekata i programa koji se odnose na:

- promoviranje kulture i
- promicanje razvoja profesionalnog i amaterskog sporta u cilju povećanja sredstava fonda za nagrađivanje za istaknute sportske rezultate.

#### **I Pravo učestvovanja**

Pravo učestvovanja na ovom javnom konkursu imaju udruženja građana i humanitarne organizacije osnovane u skladu sa važećim propisima o udruženjima i fondacijama, koje imaju sjedište na teritoriji Federacije Bosne i Hercegovine.

#### **II Opći i posebni kriteriji**

##### **Opći kriteriji**

1. doprinos projekata i programa za ostvarivanje javnog interesa u određenoj oblasti ( broj korisnika, realizovani programi, ostvareni i predviđeni socijalni učinci i sl.),
2. povezanost predloženog projekta i programa sa prethodnim aktivnostima udruženja ili humanitarne organizacije,
3. precizno definisane ciljne grupe i broj korisnika,
4. detaljno obrazloženje problema odnosno potrebe za realizacijom projekta odnosno programa,
5. transparentnosti i mogućnosti vršenja kontrole ostvarenih rezultata i ocjene uspješnosti projekta odnosno programa,
6. preporuka stručnjaka iz oblasti u kojoj je projekat ili program pripremljen i
7. iznos sredstava potrebnih za finansiranje realizacije projekta, odnosno učešća u finansiranju projekta (sopstvena sredstva, donacija, sredstva iz budžeta Federacije, sredstva iz budžeta jedinica lokalne samouprave i drugih sredstava).

##### **Posebni kriteriji za promoviranje kulture**

1. Kvalitet projekta
2. Afirmacija kulture od značaja za FBiH i BiH
3. Jasno definisani ciljevi i metode provođenja projektnih aktivnosti
4. Interes kulturne javnosti i rezultati ranije realiziranih projekata
5. Značaj projekta za razvoj kulturnih djelatnosti

### **Posebni kriteriji za promicanje razvoja profesionalnog sporta u cilju povećanja sredstava fonda za nagrađivanje za istaknute sportske rezultate**

1. Kvalitet projekta
2. Ostvareni sportski rezultati sportista do 16 godina (kategorija kadeta) na zvaničnim međunarodnim takmičenjima (pojedinačni i klupski)
3. Ostvareni rezultati u prethodnoj natjecateljskoj sezoni za one sportove koji imaju liga sistem natjecanja.
4. Projekat doprinosi stvaranju boljih uvjeta za postizanje vrhunskih sportskih rezultata
5. Značaj projekta za afirmaciju sporta u FBiH, BiH i na međunarodnom nivou

### **Posebni kriteriji za promicanje razvoja amaterskog sporta u cilju povećanja sredstava fonda za nagrađivanje za istaknute sportske rezultate**

1. Kvalitet projekta
2. Ostvareni rezultati u amaterskom sportu (pojedinačni i klupski) koji promoviraju sport u FBiH i BiH
3. Definisani ciljevi i metode rada za unapređenje određene sportske grane
4. Doprinos postizanju rezultata u amaterskom sportu
5. Značaj projekta za razvoj sporta

Projekti i programi u oblasti kulture i sporta podržat će se u maksimalnom iznosu do 15.000,00 KM po korisniku.

### **III Zahtjev za dodjelu sredstava i potrebna dokumentacija**

Zahtjev-prijavni obrazac za dodjelu sredstava treba da sadrži sljedeće podatke:

1. Realizovani programi-projekti;
2. Broj transakcijskog računa;
3. Imena lica odgovornih za realizaciju programa/projekta;
4. Naziv udruženja ili organizacije, sa osnovnim podacima;
5. Naziv programa-projekta;
6. Oblast na koju se program-projekat odnosi;
7. Opis programa-projekta sa ciljevima;
8. Indikatori učinka;
9. Iznos sredstava koji se traži;
10. Struktura sredstava finansiranja programa-projekta(sopstvena sredstva, donacije, sredstva iz budžeta Federacije BiH, sredstva iz budžeta općina i dr.);
11. Ovlašćeno-odgovorno lice za realizaciju programa i
12. Rok realizacije projekta.

Aplikant je dužan da prilikom prijavljivanja na javni konkurs priloži sljedeću dokumentaciju original ili ovjerenu kopiju:

1. Dokaz o registraciji;
2. Uvjerenje o poreznoj registraciji - ID broj
3. Ugovor s bankom ili potvrda od banke iz koje se vidi vlasništvo nad računom;
4. Posljednji godišnji obračun o poslovanju, koji mora biti pozitivan, s izuzećem udruženja i humanitarnih organizacija koje su registrovane manje od godinu dana;

5. Projektna dokumentacija, detaljan opis projekta/programa, metodologija rada, jasno definisana korisnička grupa i broj korisnika, broj članstva i CV članova uključenih u realizaciju projekta/programa, ocjena krajnjih rezultata i očekivani rezultati realizacije projekta/programa.
6. Dokaz o realizovanim projektima.

Aplikant može dostaviti i druge dokaze koji nisu obavezni:

1. Članstvo u strukovnom savezu;
2. Dokaz o ostvarenim rezultatima i sl.

Prijavni obrazac za javni konkurs preuzima se na službenoj stranici Federalnog ministarstva kulture i sporta - Federalnog ministarstva kulture i športa [www.fmks.gov.ba](http://www.fmks.gov.ba)

Prijave se dostavljaju lično ili putem pošte na sljedeću adresu:

**Federalno ministarstvo kulture i sporta- Federalno ministarstvo kulture i športa**  
**Ul.Obala Maka Dizdara br.2**  
**71000 Sarajevo**

Prijave se dostavljaju u zatvorenoj koverti sa napomenom:

**„Za Javni konkurs-sredstva ostvarena po osnovu naknada za priređivanje igara na sreću“**

Krajnji rok za dostavljanje prijava je **15.02.2016. godine.**

Prijave koje ne ispunjavaju kriterije iz ovog Javnog konkursa i koje ne budu dostavljene u propisanom roku, neće biti razmatrane.

#### **IV Dodatne informacije aplikantima**

Korisnici sredstava kojima budu odobrena sredstva na osnovu ovog javnog konkursa, obavezni su Ministarstvu dostaviti izvještaj o namjenskom utrošku dodijeljenih sredstava i vjerodostojnu dokumentaciju na osnovu koje se dokazuje namjenski u trošak sredstava.

Korisnici sredstava Ministarstva koji za sredstva dodjeljena u prethodnom periodu nisu dostavili finansijski izvještaj o namjenskom utrošku sredstava ili u dostavljenom finansijskom izvještaju nisu pravdali cjelokupna dobivena sredstva, isti su dužni dostaviti najkasnije do roka koji je određen za dostavljanje zahtjeva po ovom javnom konkursu. U protivnom, njihove prijave na ovaj Javni konkurs neće biti razmatrane.

Nakon provedenog konkursa i dostavljenog prijedloga rang liste korisnika od strane Ministarstva, Odluku o raspodjeli sredstava korisnicima sa listama korisnika, donosi Vlada Federacije Bosne i Hercegovine i biće objavljena u Službenim novinama Federacije BiH i na web portalu Ministarstva.

**MINISTRICA**

**Zora Dujmović**